



JP RADIO TELEVIZIJA 7 d.o.o. TUZLA

JP RTV 7 d.o.o. TUZLA
Mirze Delibašića 4, 75000 Tuzla
Direktor: tel: 035/366-650
Marketing: 035/366-664
fax: 035/366-669
e-mail: direktor@rtv7.ba

ID : 4209 2827 10006
PDV: 209 2827 10006
Poreski broj: 03002035
ŽIRO RAČUNI:
NLB BANKA: 132 1000 309 527 590
SPARKASSE: 199 0500 036 582 869

Izborni program JP RADIO TELEVIZIJE 7 d.o.o. Tuzla u periodu izborne kampanje za Lokalne izbore 2024. godine

JP RTV 7 d.o.o. Tuzla će u toku izborne kampanje, u skladu za Izbornim zakonom, Pravilima o medijskom predstavljanju političkih subjekata u izbornom periodu i svojom uređivačkom politikom, svim političkim subjektima koji su se kandidovali za Lokalne izbore iz Izborne jedinice 3, obezbijediti fer i pravičan pristup programima Radio Tuzle i Televizije 7 Tuzla.

Neposredna obraćanja i Izborni žurnal

U periodu od 30 dana prije izbora RTV7 Tuzla će ustupiti besplatne termine za predstavljanje programa kandidata političkih subjekata u posebno kreiranom izbornom programu Radio Tuzle i Televizije 7. Svakom političkom subjektu bit će ustupljeno 5 minuta za neposredno obraćanje. Ovo vrijeme kandidati, predstavnici političkih subjekata, će iskoristiti za predstavljanje izbornih programa.

RTV7 Tuzla je utvrdila redoslijed nastupa političkih subjekata u izbornim programima na radiju i TV-u na osnovu rezultata žrijeba održanog u Centralnoj izornoj komisiji BiH 25.07.2024.godine.

U Izbornom programu Radio Tuzle i Televizije 7 Tuzla odredili smo 8 emisija pod nazivom "Neposredna obraćanja" koje će se emitovati u predizbornom periodu ponedjeljkom i četvrtkom od 20,00 sati u programu Televizije, a u 19,00 sati u programu Radija. U svakoj od emisija predviđeno je obraćanje po 3-4 politička subjekta. Jedna od emisija predviđena je za predstavljanje kandidata iz reda nacionalnih manjina, a jedna za predstavljanje kandidata za gradonačelnika Tuzle, čime će biti zastupljeni svi registrovani politički subjekti za Gradsko vijeće Tuzla.

U vrijeme izborne kampanje, neposredno nakon centralne informativne emisije Hronika grada, od 18,30 sati do 19,00 sati realizirat će se emisija „Izborni žurnal 2024“, u kojoj će biti emitovani izvještaji o predizbornim aktivnostima političkih subjekata, reagovanja, saopštenja i druge aktivnosti.

Dužina izvještaja sa press konferencije bit će do 60 sekundi, bez tonskih izjava. Sva duža saopštenja bit će skraćivana na dužinu do 60 sekundi. Novinarski izvještaji sa press konferencija, skupova, tribina imat će dužinu do 60 sekundi uz inserte, a sa centralnih predizbornih skupova do 120 sekundi, uz inserte. Tokom jedne sedmice RTV 7 će pratiti jedan promotivni skup i jednu press konferenciju.

Tokom trajanja predizborne kampanje pratit će se minutaža zastupljenosti političkih subjekata i voditi računa o podjednakom tretmanu. Regulatornoj agenciji za komunikacije će biti dostavljani sedmični izvještaji o tome.

Plaćeno političko oglašavanje

U skladu sa Izbornim zakonom BiH i Pravilnikom o medijskom predstavljanju RTV 7 Tuzla će u periodu izborne kampanje (30 dana do izbora) omogućiti političkim subjektima da naruče i plate izradu i emitovanje radio i tv spotova, obavještenja, kao i sve druge vidove plaćenog političkog oglašavanja koje im stoji na raspolaganju.

Cijene utvrđene Cjenovnikom političkog oglašavanja ne odstupaju od Cjenovnika komercijalnih usluga.

JP RTV 7 je u svojim programima utvrdila termine emitovanja plaćenog političkog oglašavanja strogo vodeći računa o tome da oni ne budu emitovani 15 minuta prije ili poslije informativnih emisija. Redoslijed emitovanja plaćenog političkog oglašavanja bit će jednak kao i redoslijed nastupa kandidata u emisijama “Neposredna obraćanja”, a u skladu sa redoslijedom kojeg je utvrdila Centralna izborna komisija.

JP RTV 7 Tuzla će s punom profesionalnom odgovornošću realizirati Izborni program i o tome sedmično izvještavati Regulatornu agenciju za komunikacije.

U prilogu ovog Dopisa šaljem vam:

- Pravila o medijskom predstavljanju političkih subjekata u JP RTV 7 d.o.o. Tuzla u periodu trajanja izborne kampanje za Lokalne izbore 2024.godine
- Cjenovnik političkog oglašavanja
- Utvrđeni redoslijed snimanja predstavnika političkih subjekata i emitovanja u planiranim terminima emisija „Neposredna obraćanja“

Napomena:

Svi politički subjekti imaju obavezu da tekst u kojem predstavljaju svoje političke programe u emisiji “Neposredna obraćanja” dostave u elektronskoj formi na stick-u kako bismo ova obraćanja mogli postaviti na teleprompter te titlovati i time omogućiti osobama oštećenog sluha da ravnopravno prate ovu emisiju. Stick će biti vraćen odmah po završetku snimanja.

Molimo vas da pažljivo zabilježite i ispoštujete svoje termine snimanja.

Glavna i odgovorna urednica RTV7 Tuzla:

Azra Kalesić